

Тазалык

Кызыы кема но шудо улоно?

22–27-тӱ куартолэзе Удмуртиын ортчиз «П.И. Чайковскийлэн дор пальёсаз» V Литературная фестиваль. Та нуналъёсы пӧртэм пумиськонъёс радъяськызы, одӥгез соос пӧлысь вал Россиысь но Удмуртиысь тазалыкез утён удысысь дано ужасен, тодосчиен В.Н. Савельевен пумиськон. Вуоно эмчи вордӥськиз но будӥз Алнаш ёросысь Блатгуртын. Улонын ас удысэз шедьтэмезлы тау каре семьяезлы.

кутскиз. Талэсь уродгес уз лубы ни шуыса, агае гадыме шырӥыса лэзиз но, отысь пызйыса ур потӥз. Мыным соку ик туж капчи луиз. Тӥни озыы монэ семьяе утиз, йӧнатӥз. Эмъясь враченым Можгалась эмчиосты дасянъя училищын дышетскыкум пумиськи. – Тон Савельев ук. Тон улэп шат? – паймиз но шумпотӥз со».

Владимир Никифоровичлэн выжыяз ваньмыз сямен эмчиос. Кузпалыз Римма Аверьяновна но, куинь пиналӥёсы но эмудысысь ӧнерчиос, нунокӥёсы но та сюресэтӥ ик кошкемын. «Ми тӥлесьтыд адӥзем карыса, та удысэз бырйимы», – тау карыса вераз та вакытэ Вавож ёрос больницаен кивалтӥсь Валерий Семёнович Савельев.

Пумиськонын «Семьялэн укез – калыклэн тазалыкез»



Удмуртиысь но Россиысь дано эмчи, тодосчи В.Н. Савельев.

адӥзтон радъямын вал. Владимир Никифоровичлэн 250-лэсь уно тодос ужӥёсыз.

Вуоно арын эмчилы 90 арестырмоз ини. «Та йӧно арлыдозям вуи семьяелы луыса, – шуиз со. – Семьяын ке умой, уж дурын но ваньмыз радъяське. Кема но тазалыко улон понна яратыны кулэ котырысь

инкуазез. Мон нуналлы быдэ васькасько Карлуд шур дуре. Кезыт ошмес вуэн пыласькисько, со ик сӥтэ улыны задорлык, тазалык».

Антонида ПЛОТНИКОВА
Туспуктэм басьтэмын Удмурт йӧскалык библиотекалэн «ВКонтакте» бамысьтыз